

## 第九章 增上信學

- 一、前言
- 二、親近善知識
- 三、聽聞正法
- 四、如理思惟
- 五、法隨法行

### 第一節 前言

#### 一、四預流支

淨慧眼

❖有四種法，未淨聖慧眼而得清淨。云何為四：親近善知識，恭敬·承事。聞善法，善思惟。趣向法次法。.....鬚閑提!汝親近善知識，恭敬·承事已。便聞善法，聞善法已，便善思惟，善思惟已便趣向法次法。趣向法次法已，便知此苦如真，知此苦集·知此苦滅·知此苦滅道如真。(中-鬚閑提經)

### 入流分

❖世尊告尊者舍利弗：「所謂流者，何等為流？」舍利弗白佛言：「世尊所說流者，謂：八聖道。」復問舍利弗：「謂入流分，何等為入流分？」舍利弗白佛言：「世尊！有四種入流分，何等為四？謂：親近善男子，聽正法，內正思惟，法、次法向。」復問舍利弗：「入流者，成就幾法？」舍利弗白佛言：「有四分成就入流者，何等為四？謂：於佛不壞淨，於法不壞淨，於僧不壞淨，聖戒成就。」(雜843)

## 多饒益人

❖爾時。世尊告諸比丘。有此四法。多饒益人。云何為四。第一法者當親近善知識。第二者當聞法。第三者當知法。第四者當法法相明。是謂比丘! 有此四法，多饒益人。是故，諸比丘! 當求方便，成此四法，如是。諸比丘! 當作是學。(增25-2)

## 第二節 親近善知識

### 一、親近善知識的目的

#### 1、植福

❖ 善良馬百匹， 黃金滿百斤，  
騾車及馬車， 各各有百乘，  
種種諸珍奇， 重寶載其上，  
宿命種善根， 得如此福報，  
若人宗重心， 向佛行一步，  
十六分之一， 過前福之上。(雜592)

#### 2、引導修行

- 佛告阿難。.....夫善知識之人，即是全梵行之人，與共從事，將視好道。我亦由善知識成無上正真等正覺，以成道果，度脫眾生不可稱計，皆悉免生·老·病·死。以此方便。知夫善知識之人，全梵行之人也。
- 復次阿難! 若善男子，善女人與善知識共從事者，信根增益，聞·施·慧德皆悉備具，猶如月欲盛滿，光明漸增，倍於常時。此亦如是，若有善男子·善女人親近善知識，信·聞·念·施·慧皆悉增益。以此方便，知其善知識者即是全梵行之人也。(續)

- 若我昔日不與善知識從事，終不為燈光佛所見授決也。以與善知識從事故，得為與提和竭羅佛(Dipamkara)所見授決。以此方便，知其善知識者，即是全梵行之人也。
- 阿難! 世間無善知識者，則無有尊卑之敘，父母·師長·兄弟·宗親，則與彼豬犬之屬與共一類，造諸惡緣，種地獄罪緣。有善知識故，便別有父母·師長·兄弟·宗親。(增44-10)

### 3、究竟涅槃

- ❖ 施世間善逝， 施彼得大果，  
愚者無智慧， 未嘗聞正法，  
施彼無大果， 不近善友故，  
若習善知識， 如來及聲聞，  
清淨信善逝， 根生堅固力，  
所往之善趣， 及生大姓家，  
究竟般涅槃， 大仙如是說。(雜95)

## 二、親近

### 1、尊重禮拜供養承事

- ❖ 沙門瞿曇如來·無所著·等正覺·明行成為·善逝·世間解·無上士·道法御·天人師·號佛·眾祐。彼於此世，天及魔·梵·沙門·梵志，從人至天，自知自覺，自作證成就遊。彼若說法，初善·中善·竟亦善，有義有文，具足清淨，顯現梵行。若見如來·無所著·等正覺，**尊重禮拜，供養承事者**，快得善利。我等應共往見沙門瞿曇，禮事供養。(中16)

## 2、承事

- ❖ 弟子敬奉師長復有五事，云何為五：一者給侍所須、二者禮敬供養、三者尊重戴仰、四者師有教勅敬順無違、五者從師聞法善持不忘。善生！夫為弟子當以此五法敬事師長。
- 師長復以五事敬視弟子，云何為五：一者順法調御。二者誨其未聞。三者隨其所問令善解義。四者示其善友。五者盡以所知誨授不悞。善生。弟子於師長敬順恭奉。則彼方安隱。無有憂畏。(長十六)

---

---

---

---

---

---

---

---

---

---

## 3、清淨供養

- ❖ 一時，佛在拘薩羅人間遊行，至舍衛國祇樹給孤獨園。時，有長身婆羅門，作如是邪盛大會——以七百特牛行列繫柱，特、特、水牛及諸羊犢、種種小蟲悉皆繫縛，辦諸飲食、廣行布施，種種外道從諸國皆悉來集邪盛會所。時，長身婆羅門聞沙門瞿曇從拘薩羅人間遊行，至舍衛國祇樹給孤獨園。...乘白馬車，諸年少婆羅門前後導從，...詣世尊所，恭敬承事。至精舍門，下車步進，至於佛前，面相問訊慰勞已，退坐一面，白佛言：「瞿曇！我今欲作邪盛大會，以七百特牛行列繫柱，乃至小小諸蟲皆悉繫縛。為邪盛大會故，種種異道從諸國皆悉來至邪盛會所。.....

---

---

---

---

---

---

---

---

---

---

- 佛告婆羅門：「或有一邪盛大會主行施作福而生於罪，為三刀劍之所刻削，得不善果報。何等三？謂身刀劍、口刀劍、意刀劍。
- 「何等為意刀劍生諸苦報？如一會主造作大會，作是思惟：『我作邪盛大會，當殺爾所少壯特牛，爾所水特、水特，爾所羊犢及種種諸蟲。』是名意刀劍生諸苦報。如是施主雖念作種種布施、種種供養，實生於罪！

---

---

---

---

---

---

---

---

---

---

- 「云何為口刀劍生諸苦報？有一會主造作大會，作如是教：『我今作邪盛大會，汝等當殺爾所少壯特牛，乃至殺害爾所微細蟲。』是名口刀劍生諸苦報，大會主雖作是布施、供養，實生於罪！
- 「云何為身刀劍生諸苦報？謂有一大會主造作大會，自手傷殺爾所特牛，乃至殺害種種細蟲，是名身刀劍生諸苦報。
- 彼大會主雖作是念種種布施、種種供養，實生於罪！

---

---

---

---

---

---

---

---

- 「然婆羅門當勤供養三火，隨時恭敬，禮拜奉事，施其安樂。何等為三？一者根本，二者居家，三者福田。
- 「何者為根本火？隨時恭敬，奉事供養，施其安樂？謂善男子方便得財，手足勤苦，如法所得，供養父母，令得安樂，是名根本火。何故名為根本？若善男子從彼而生，所謂父母，故名根本。善男子以崇本故，隨時恭敬，奉事供養，施以安樂。
- 「何等為居家火？善男子隨時育養，施以安樂？謂善男子方便得財，手足勤苦，如法所得，供給妻子、宗親、眷屬、僕使、傭客，隨時給與，恭敬施安，是名家火。何故名家？其善男子處於居家，樂則同樂，苦則同苦，在所為作皆相順從，故名為家。是故善男子隨時供給，施與安樂。

---

---

---

---

---

---

---

---

- 「何等名田火？善男子隨時恭敬，尊重供養，施其安樂？謂善男子方便得財，手足勤勞，如法所得，奉事供養諸沙門、婆羅門，善能調伏貪、恚、癡者，如是等沙門、婆羅門，建立福田，崇向增進，樂分樂報，未來生天，是名田火。何故名田？為世福田，謂為應供，是故名田。是善男子隨時恭敬，奉事供養，施其安樂。」...

---

---

---

---

---

---

---

---

- 「然，婆羅門！今善男子先所供養三火應斷令滅。何等為三？謂貪欲火、瞋恚火、愚癡火。所以者何？若貪火不斷不滅者，自害害他，自他俱害，現法得罪，後世得罪，現法後世得罪，緣彼而生心法憂苦，恚火、癡火亦復如是。婆羅門！若善男子事積薪火，隨時辛苦，隨時然，隨時滅火因緣受苦。」

---

---

---

---

---

---

---

---

---

---

- 爾時，長身婆羅門默然而住。時，有婆羅門子名鬱多羅，於會中坐。長身婆羅門須臾默然，思惟已，告鬱多羅：「汝能往至邪盛會所，放彼繫柱特牛及諸眾生受繫縛者，悉放不？而告之言：『長身婆羅門語汝：『隨意自在，山澤曠野，食不斷草，飲淨流水，四方風中受諸快樂。』』」鬱多羅白言：「隨大師教！」即往彼邪盛會所放諸眾生，而告之言：「長身婆羅門語汝：『隨其所樂，山澤曠野，飲水食草，四風自適。』」
- 爾時，世尊知鬱多羅。知已，為長身婆羅門種種說法，示、教、照、喜。……時，長身婆羅門見法、得法、知法、入法，度諸疑惑，不由他度，於正法中得無所畏。

---

---

---

---

---

---

---

---

---

---

- 即從座起，整衣服，偏袒右肩，合掌白佛：「已度，世尊！我從今日盡其壽命，歸佛、歸法、歸比丘僧，為優婆塞，證知我。唯願世尊與諸大眾受我飯食。爾時，世尊默然而許。」時，長身婆羅門知佛受請已，為佛作禮，右繞三匝而去。長身婆羅門還邪盛處，所諸供辦淨美好者，布置床座，遣使請佛，白言：「時到，惟聖知時。」
- 爾時，世尊著衣持鉢，大眾圍繞，往到長身婆羅門會所，大眾前坐。時，長身婆羅門知世尊坐定已，手自供養種種飲食。食已，澡漱洗鉢畢，別敷卑床，於大眾前端坐聽法。(雜93)

---

---

---

---

---

---

---

---

---

---

#### 4、供僧=供佛

❖摩訶簸邏闍鉢提瞿曇彌持新金縷黃色衣往詣佛所，稽首佛足，卻住一面，白曰：「世尊！此新金縷黃色衣我自為世尊作，慈愍我故，願垂納受。」世尊告曰：「瞿曇彌！持此衣施比丘眾，施比丘眾已，便供養我，亦供養眾。」大生主瞿曇彌至再三白曰：「世尊！此新金縷黃色衣我自為世尊作，慈愍我故，願垂納受。」世尊亦至再三告曰：「瞿曇彌！持此衣施比丘眾，施比丘眾已，便供養我，亦供養眾。」爾時，尊者阿難立世尊後執拂侍佛。於是，尊者阿難白曰：「世尊！此大生主瞿曇彌於世尊多所饒益，世尊命終後乳養世尊。」

• 世尊告曰：「如是，阿難！如是，阿難！大生主瞿曇彌實於我多所饒益，我母命終後乳養於我。阿難！我亦於大生主瞿曇彌多所饒益，所以者何？大生主瞿曇彌因我故，得自歸於佛、法及比丘眾，不疑三尊、苦習滅道，成就信、戒、多聞、施、慧，離殺斷殺、不與取、邪淫、妄言、離酒斷酒。阿難！若有人因人故，得自歸於佛、法及比丘眾，不疑三尊、苦習滅道，成就信、戒、多聞、施、慧，離殺斷殺、不與取、邪淫、妄言、離酒斷酒者，此人供養於彼人至盡形壽，以飲食、衣被、床榻、湯藥及若干種諸生活具，不得報恩。」

#### 5、善知識教導四法

• 若比丘所為眾生善知識遇，及一切父母知親，盡當以四事教令知法，云何為四？一者當恭敬於佛，是時，如來者，...度人無量。當求於法，修行正真之法，除穢惡之行，此是智者之所修行。復當方便供養眾僧，如來眾者，恒共和合，無有諍訟，法成就、戒成就、三昧成就、智慧成就、解脫成就、解脫知見成就。所謂四雙八輩、十二賢士。此是如來聖眾，可尊、可貴，世間無上福田。復當勸助使行賢聖法、律，無染無污，寂靜無為。若有比丘欲行道者，普共行此四事之法，所以然者，法之供養，三尊最尊、最上，無能及者。如是，諸比丘！當作是學。(增31-2)

## 6、法供養最勝

❖世尊入拘尸城，向本生處末羅雙樹間。告阿難曰：「汝為如來於雙樹間敷置牀座。使頭北首。面向西方。所以然者。吾法流布。當久住北方。」對曰：「唯然！即敷座，令北首。」爾時，世尊自四牒僧伽梨(Saṃghāṭi)，偃右脇如師子王。累足而臥。時，雙樹間所有鬼神篤信佛者，以非時花布散于地。爾時，世尊告阿難曰：「此雙樹神以非時華供養於我，此非供養如來。阿難白言：「云何名為供養如來？」語阿難：「人能受法、能行法者，斯乃名曰供養如來。」(長「遊行經」)

## 三、善知識

### (一)如來聖眾

❖如來聖眾，善業成就，質直順義，無有邪業，上下和穆，法法成就。如來聖眾。戒成就，三昧成就，智慧成就，解脫成就，度知見成就。聖眾者，所謂四雙八輩，是謂如來聖眾。應當恭敬，承事禮順。所以然者，是世福田故。於此眾中，皆同一器，亦以自度、復度他人至三乘道。如此之業名曰聖眾。(增一「廣演品」三)

### (二)佛陀

#### 1、自記

❖如是我聞：一時，佛住舍衛國祇樹給孤獨園。時，有異婆羅門來詣佛所，面前問訊，相慰勞已，退坐一面，白佛言：「瞿曇！所謂佛者，云何為佛？為是父母制名？為是婆羅門制名？」...。爾時，世尊說偈答言：

佛見過去世，	如是見未來，
亦見現在世，	一切行起滅。
明智所了知，	所應修已修，
應斷悉已斷，	是故名為佛。
歷劫求選擇，	純苦無暫樂，
生者悉磨滅，	遠離息塵垢，
拔諸使刺本，	等覺故名佛。」(雜100)



❖ 波斯匿王聞世尊拘薩羅人間遊行，至舍衛國祇樹給孤獨園。聞已，往詣佛所，稽首佛足，退坐一面，白佛言：「世尊！我聞世尊自記(patijānāti)說成阿耨多羅三藐三菩提，諸人傳者，得非虛妄過長說耶？為如說說、如法說、隨順法說耶？非是他人損同法者，於其問答生厭薄處耶？」佛告大王：「彼如是說，是真諦說，非為虛妄。如說說、如法說、隨順法說，非是他人損同法者，於其問答生厭薄處。所以者何？大王，我今實得阿耨多羅三藐三菩提故。」

- 波斯匿王白佛言：「雖復世尊作如是說，我猶故不信。所以者何？此間有諸宿重沙門、婆羅門，所謂富蘭那迦葉、末迦利瞿舍梨子、刪闍耶毘羅胝子、阿耆多枳舍欽婆羅、迦羅拘陀迦梅延、尼乾陀若提子，彼等不自說言得阿耨多羅三藐三菩提，何得世尊幼小年少，出家未久，而便自證得阿耨多羅三藐三菩提？」
- 佛告大王：「有四種雖小而不可輕。何等為四？剎利王子年少幼小而不可輕，龍子年少幼小而不可輕，小火雖微而不可輕，比丘幼小而不可輕。」

## 2、佛十號

### (1) 如來

如來於過去·未來·現在，應時語·實語·義語·利語·法語·律語，無有虛也。佛於初夜成最正覺，及末後夜，於其中間有所言說，盡皆如實，故名如來。復次。如來所說如事，事如所說。故名如來。(長17)

(2) 應供

- 王白佛言。如來功德應受人拜。世尊告曰。汝今云何言如來應受人禮拜。王白佛言。如來有六功德。應得受人禮拜。云何為六。如來正法甚為和雅。智者所修行。是謂如來初功德。可事·可敬。復次。如來聖眾極為和順。法法成就。戒成就·智慧成就·解脫成就·解脫見慧成就。所謂聖眾者四雙八輩。此是如來聖眾。可敬·可貴。世間之大福田。是謂如來第二功德。復次。如來有四部之眾。所修行法皆習行之。更不重受觸擾如來。是謂如來第三功德。

- 復次...世尊與彼說法。彼聞法已。更不復問事。況復欲論。皆師事如來。是第四功德。復次。諸六十二見。欺誑世人。不解正法。由此致愚。然如來能除此諸邪見業。修其正見。是謂第五如來功德。復次。眾生身·口·意行惡。彼若命終。憶如來功德。離三惡趣。得生天上。正使極惡之人。得生天上。是謂第六如來功德。其有眾生見如來者。皆起恭敬之心。而供養之。

(3)、等正覺(sammāsambuddha)

- 今我如是，得古仙人道、古仙人逕、古仙人跡，古仙人去處，我得隨去，謂八聖道，正見、正志、正語、正業、正命、正方便、正念、正定。我從彼道見老病死、老病死集、老病死滅、老病死滅道跡，見生、有、取、愛、受、觸、六入處、名色、識、行、行集、行滅、行滅道跡。我於此法自知自覺，成等正覺，為比丘、比丘尼、優婆塞、優婆夷，及餘外道沙門、婆羅門、在家、出家，彼諸四眾聞法正向、信樂，知法善，梵行增廣，多所饒益，開示顯發。(雜287)

#### (4)、明行足

- 摩訶白佛言：「瞿曇！何者是無上士明行具足？」佛告摩訶：「諦聽。諦聽。善思念之。當為汝說。對曰。唯然。願樂欲聞。佛告摩訶。若如來出現於世。應供。正遍知。明行足。為善逝。世間解。無上士。調御丈夫。天人師。佛。世尊。於一切諸天。世人。沙門。婆羅門。天。魔。梵王中。獨覺自證。為人說法。上語亦善。中語亦善。下語亦善。義味具足。開清淨行。若居士。居士子及餘種姓。聞正法者。即生信樂。以信樂心。而作是念。我今在家。妻子繫縛。不得清淨純修梵行。今者寧可剃除鬚髮。服三法衣。出家修道。彼於異時。捨家財產。捐棄親族。剃除鬚髮。服三法衣。出家修道。與出家人同捨師好。具諸戒行。不害眾生。...

- ...以宿命智能憶宿命無數劫事。此是比丘得第一勝。無明永滅。大明法生。闇冥消滅。光曜法生。此是比丘宿命智明。
- ...以定心清淨。住無動處。見生死智證。以天眼淨。盡見眾生所為善惡。隨業受生。往來五道皆悉知之。此是比丘得第二明。
- 以定心清淨。住無動地。得無漏智證。乃至不受後有。此是比丘得第三明。斷除無明。生於慧明。捨離闇冥。出大智光。是為無漏智明。所以者何。斯由精勤。念不錯亂。樂獨閑居之所得也。摩訶。是為無上明行具足。(長20)

#### (5) 善逝(sugatā)

- ❖ 闍浮車問舍利弗：「云何名善說法者？為世間正向？云何名為世間善逝？」舍利弗言：「若說法調伏欲貪，調伏瞋恚，調伏愚癡，是名世間說法者。若向調伏欲貪，向調伏瞋恚，向調伏愚癡，是名正向。若貪欲已盡，無餘斷知，瞋恚、愚癡已盡，無餘斷知，是名善逝(斷)。」

(ps) 善逝 (sugatā) :

- Su= 善
- Gatā : 已去(ppp)

(6) 世間解

❖ 世尊告諸比丘：「如來備自覺世間，亦為他說。如來知世間，如來自覺世間集，亦為他說。如來斷世間集。如來自覺世間滅，亦為他說。如來世間滅作證，如來自覺世間道跡，亦為他說。……世尊說此頌曰：

知一切世間	出一切世間
說一切世間	一切世如真
彼最上尊雄	能解一切縛
得盡一切業	生死悉解脫

---

---

---

---

---

---

---

---

---

---

(7) 無上士

❖ 一時，佛住鬱毘羅聚落尼連禪河側菩提樹下，成佛未久。爾時，世尊獨靜思惟，作是念：「不恭敬者，則為大苦，無有次序。無他自在可畏懼者，則於大義有所退減；有所恭敬，有次序，有他自在者，得安樂住；有所恭敬，有次序，有他自在，大義滿足。頗有諸天、魔、梵、沙門、婆羅門、天神、世人中，能於我所具足戒勝、三昧勝、智慧勝、解脫勝、解脫知見勝，令我恭敬宗重，奉事供養，依彼而住？」(接下)

---

---

---

---

---

---

---

---

---

---

• 復作是念：「無有諸天、魔、梵、沙門、婆羅門、天神、世人能於我所戒具足勝、三昧勝、智慧勝、解脫勝、解脫知見勝，令我恭敬宗重，奉事供養，依彼而住者。唯有正法令我自覺，成三藐三佛陀者，我當於彼恭敬宗重，奉事供養，依彼而住。所以者何？過去如來、應、等正覺亦於正法恭敬宗重，奉事供養，依彼而住；諸當來世如來、應、等正覺亦於正法恭敬宗重，奉事供養，依彼而住。」(雜1188)

---

---

---

---

---

---

---

---

---

---

### (8)無上調御丈夫

- 調馬師白佛：「世尊是無上調御丈夫，為以幾種方便調御丈夫？」佛告聚落主：「我亦以三種方便調御丈夫。何等為三？一者一向柔軟，二者一向麤澁，三者柔軟麤澁。」佛告聚落主：「所謂一向柔軟者，如所說：『此是身善行，此是身善行報，此是口、意善行，此是口、意善行報，是名天、是名人、是名善趣化生、是名涅槃，是為柔軟。』」

- 「麤澁者，如所說：『是身惡行，是身惡行報，是口、意惡行，是口、意惡行報，是名地獄、是名畜生、是名餓鬼、是名惡趣、是名墮惡趣，是名如來麤澁教也。』」彼柔軟麤澁俱者，謂如來有時說身善行，有時說身善行報，有時說口、意善行，有時說口、意善行報；有時說身惡行，有時說身惡行報，有時說口、意惡行，有時說口、意惡行報。如是名天、如是名人、如是名善趣、如是名涅槃。如是名地獄、如是名畜生、餓鬼、如是名惡趣、如是墮惡趣，是名如來柔軟麤澁教。」《雜阿含》923經

### (9)天人師

- 我今出世如來無所著、等正覺、明行成、為善逝、世間解、無上士、道法御、天人師，號佛、眾祐。我今自饒益，亦饒益他，饒益多人，愍傷世間。為天、為人求義及饒益，求安隱快樂。我今說法得至究竟，究竟白淨，究竟梵行。究竟梵行訖，我今已離生老病死，啼哭憂感，我今已得脫一切苦。(中155)

### (10)佛

❖爾時，世尊說偈答言：

「天龍乾闥婆，緊那羅夜叉，無善阿修羅，  
諸摩睺羅伽，人與非人等，悉由煩惱生，  
如是煩惱漏，一切我已捨，已破已磨滅，  
如芬陀利生，雖生於水中，而未曾著水，  
我雖生世間，不為世間著，歷劫常選擇，  
純苦無暫樂，一切有為行，悉皆生滅故，  
離垢不傾動，已拔諸劍刺，究竟生死除，  
故名為佛陀。」

### (11)世尊(Bhagavant)

- 神聖的、尊貴的、可敬的、俱福德的...
- 爾時，世尊與波斯匿王而說此偈：  
祠祀火為上 詩書頌為尊 人中王為貴 眾流海為首  
眾星月為上 光明日為先 八方上下中 世界之所載  
天及世人民 如來最為尊 其欲求福祿 當供養三佛  
(增26-6)
- 如來出世之時，實不可遇，猶如優曇鉢花時時乃現。  
若成就三十二相·八十種好，當趣二處：若在家者  
當作轉輪聖王，七寶具足；若出家學道者，必成無  
上道，為三界世祐。(增49-6)

### 3、佛的能力

(1) 自悟、說法、教誡

- 如是我聞：一時，佛住舍衛國祇樹給孤獨園。爾時，世尊告諸比丘：「有五受陰。何等為五？謂色受陰，比丘於色厭、離欲、滅、不起、解脫，是名如來、應、等正覺；如是受、想、行、識，厭、離欲、滅、不起、解脫，是名如來、應、等正覺。比丘亦於色厭、離欲、滅，名阿羅漢慧解脫；如是受、想、行、識，厭、離欲、滅，名阿羅漢慧解脫。比丘！如來、應、等正覺，阿羅漢慧解脫，有何差別？」(續)

• 比丘白佛：「如來為法根、為法眼、為法依，唯願世尊為諸比丘廣說此義，諸比丘聞已，當受奉行。」佛告比丘：「諦聽，善思，當為汝說。如來、應、等正覺未曾聞法，能自覺法，通達無上菩提，於未來世開覺聲聞而為說法，謂四念處、四正勤、四如意足、五根、五力、七覺、八道。比丘！是名如來、應、等正覺未得而得，未利而利，知道、分別道、說道、通道，復能成就諸聲聞教授教誡；如是說正順、欣樂善法，是名如來、阿羅漢差別。」(雜75經)

---

---

---

---

---

---

---

---

---

---

(2) 十力、四無畏、四無礙

• 佛告大王：「正使婆羅門大姓、刹利大姓、長者大姓，生者皆死，無不死者。正使刹利大王灌頂居位，王四天下，得力自在，於諸敵國無不降伏，終歸有極，無不死者。若復，大王！生長壽夭，王於天宮，自在快樂，終亦歸盡，無不死者。若復，大王！阿羅漢比丘諸漏已盡，離諸重擔，所作已作，逮得已利，盡諸有結，正智心善解脫，彼亦歸盡，捨身涅槃。」

---

---

---

---

---

---

---

---

---

---

若復緣覺善調善寂，盡此身命，終歸涅槃，諸佛世尊十力具足，四無所畏，勝師子吼，終亦捨身，取般涅槃。以如是比，大王當知，一切眾生、一切虫、一切神，有生輒死，終歸磨滅，無不死者！」(雜1227)

- 三十二相、八十種好，雜阿含經非常少見(唯一經)，中阿含之後則成為描述佛陀的通用句。
- 另有十八不共法(阿含中很少見)

---

---

---

---

---

---

---

---

---

---

十力

- 1) 何等為如來十力？謂如來**處非處**如實知，是名如來初力...(處非處智力)
- 2) 復次，如來於過去、未來、現在業法，**受因事報**如實知，是名第二如來力...(業異熟智力)
- 3) 復次，如來、應、等正覺禪解脫，**三昧正受**，染惡清淨，處淨如實知，是名如來第三力...(靜慮解脫等持等至智力)
- 4) 復次，如來知眾生種種**諸根差別**如實知，是名如來第四力...(根上下智力)
- 5) 「復次，如來悉知眾生**種種意解**如實知，是名第五如來力。(種種勝解智力)

---

---

---

---

---

---

---

---

---

---

- 6) 復次，如來悉知**世間眾生種種**諸界如實知，是名第六如來力。(種種界智力)
- 7) 復次，如來於一切**至處道**如實知，是名第七如來力。(遍趣行智力)
- 8) 復次，如來於**過去宿命種種事憶念**，從一生至百千生，從一劫至百千劫。我爾時於彼生如是族、如是姓、如是名、如是食、如是苦樂覺、如是長壽、如是久住、如是壽分齊，我於彼處死此處生，彼處生、此處死。如是行、如是因、如是方，宿命所更悉如實知，是名第八如來力。(宿住隨念智力)

---

---

---

---

---

---

---

---

---

---

- 9) 復次，如來以**天眼淨過於人眼**，見眾生死時、生時，妙色、惡色、下色、上色，向於惡趣、向於善趣、隨業法受悉如實知；此眾生身惡業成就，口、意惡業成就，謗毀賢聖，受邪見業，以是因緣，身壞命終，墮惡趣，生地獄中；此眾生身善行，口、意善行，不謗賢聖，正見業法受，彼因彼緣，身壞命終，生善趣天上悉如實知，是名第九如來力。(生死智証智力)
- 10) 復次，如來諸**漏已盡**，無漏心解脫、慧解脫，現法自知身作證：『我生已盡，梵行已立，所作已作，自知不受後有。』是名第十如來力。若此力成就，如來、應、等正覺得先佛最勝處智，能轉梵輪，於大眾中師子吼而吼，如此十力，唯如來成就，是名如來與聲聞種種差別。(雜684)

---

---

---

---

---

---

---

---

---

---



#### 四無所畏

- 一時。佛在舍衛國祇樹給孤獨園。爾時。世尊告諸比丘。如來出世有四無所畏。如來得此四無所畏。便於世間無所著。在大眾中而師子吼轉於梵輪。云何為四：我今已辦此法(正覺無所畏)。正使沙門·婆羅門·魔·若魔天。蚘飛蠕動之類。在大眾中言我不成此法。此事不然。於中得無所畏。是為第一無所畏。
- 如我今日諸漏已盡(漏盡無所畏)，更不受胎。若有沙門·婆羅門眾生之類，在大眾中言我諸漏未盡者，此事不然，是謂第二無所畏。

- 我今已離愚闇法(離愚闇無所畏)。欲使還就愚闇之法者。終無此處。若復沙門·婆羅門·魔·若魔天。眾生之類。在大眾中言我還就愚闇之法者。此事不然。是謂如來三無所畏。
- 諸賢聖出要之法，盡於苦際(說出要道無所畏)。欲使不出要者。終無此處。若有沙門·婆羅門·魔·若魔天。眾生之類。在大眾中言如來不盡苦際者。此事不然。是謂如來四無所畏。

#### 四無礙

- 法、義、詞、辯：
  1. 法(無礙解)：緣能詮之語言文字而決斷無礙
  2. 義：緣所詮之義而決斷無礙。語言所詮釋的內容。
  3. 詞：各種方言決斷無礙
  4. 辯：緣契正理的無礙之說。

#### 4、人間佛陀

##### (1)世間世間法

❖世尊告諸比丘：「世人為卑下業，種種求財活命而得巨富，世人皆知；如世人之所知，我亦如是說。所以者何？莫令我異於世人。諸比丘！譬如一器，有一處人名為捷茨，有名鉢，有名七七羅，有名遮留，有名毘悉多，有名婆闍那，有名薩牟。如彼所知，我亦如是說。所以者何？莫令我異於世人故。」

• 如是比丘！有世間（世間）法，我自知自覺，為人分別、演說、顯示，知見而說。世間盲無目者不知不見，世間盲無目者不知不見，我其如之何？比丘！云何世間世間法，我自知自覺，乃至不知不見？色無常、苦、變易法，是為世間世間法。受、想、行、識，無常、苦、變易法，是世間世間法。比丘！是名世間世間法，我自知自見，乃至盲無目者不知不見，其如之何！」佛說此經已，諸比丘聞佛所說，歡喜奉行。(雜38)

##### (2)三種示現教化

- 爾時、世尊為千比丘作三種示現教化，云何為三？神足變化示現，他心示現，教誡示現。神足示現者，世尊隨其所應，而示現入禪定、正受；陵虛至東方，作四威儀一行、住、坐、臥；入火三昧，出種種火光—青、黃、赤白、紅、玻璃色；水火俱現，或身下出火、身上出水，身上出火、身下出水。周圍四方，亦復如是。爾時、世尊作種種神變已，於眾中坐，是名神足示現。
- 他心示現者，如彼心，如彼意，如彼識；彼應作如是念，不應作如是念；彼應作如是捨，彼應作如是身證住，是名他心示現。(續)

• 教誡示現者，如世尊說：「諸比丘！一切燒然。云何一切燒然？謂眼燒然，若色、眼 識、眼 觸、眼觸因緣生受—若苦、若樂、不苦不樂，彼亦燒然。如是耳.....。鼻.....。舌.....。身.....。意燒然，若法、意識、意觸、意觸因緣生受—若苦、若樂、不苦不樂，彼亦燒然。以何燒然？貪火燒然，恚火燒然，癡火燒然；生老病死、憂悲惱苦火燒然」。爾時，千比丘聞佛所說，不起諸漏，心得解脫。佛說此經已，諸比丘聞佛所說，歡喜奉行。(雜197經)

### (3)佛亦人數

• 聞如是：一時，佛在舍衛國祇樹給孤獨園。爾時，尊者阿難至世尊所，頭面禮足，在一面住。斯須，復以兩手摩如來足已，復以口鳴如來足上，而作是說：「天尊之體，何故乃爾。身極緩爾，如來之身不如本故」。世尊告曰：「如是，阿難！如汝所言，今如來身皮肉已緩，今日之體不如本故。所以然者，夫受形體，為病所逼，若應病眾生，為病所困，應死眾生，為死所逼。今日如來，年已衰微，年過八十」。是時，阿難聞此語已，悲泣哽噎，不能自勝，並作是語：「咄嗟，老至乃至於斯」。

• 是時，世尊到時，著衣持鉢，入舍衛城乞食。是時，世尊漸漸乞食，至王波斯匿舍。當於爾時，波斯匿門前有故壞車數十乘，捨在一面。是時，尊者阿難以見車棄在一面。見已，白世尊曰：「此是王波斯匿車，昔日作時極為精妙，如今日觀之，與瓦石同色」。世尊告曰：「如是，阿難！如汝所言，如今觀所有車，昔日之時極為精妙，金銀所造，今日壞敗，不可復用。如是外物尚壞敗，況復內者。」...爾時，世尊即就波斯匿王坐。是時，王波斯匿與世尊辦種種飲食。觀世尊食竟，王更取一小座，在如來前坐，白世尊曰：「云何世尊諸佛形體皆金剛數，亦當有老·病·死乎？」世尊告曰：「如是！大王！如大王語，如來亦當有此生·老·病·死，我今亦是人數」。(增26-6)

#### (4)身疾

- 一時，佛在力士聚落人間遊行，於拘夷那竭城希連河中間住，於聚落側告尊者阿難：「今四重褻疊敷世尊褥多羅僧，我今背疾，欲小臥息。」尊者阿難即受教勅，四重褻疊敷褥多羅僧已，白佛言：「世尊！已四重褻疊敷褥多羅僧，唯世尊知時。」爾時，世尊厚褻僧伽梨枕頭，右脇而臥，足足相累，繫念明相，正念正智，作起覺想，告尊者阿難：「汝說七覺分。」(續)

- 時，尊者阿難即白佛言：「世尊！所謂念覺分，世尊自覺成等正覺，說依遠離、依無欲、依滅、向於捨，擇法、精進、喜、猗、定、捨覺分，世尊自覺成等正覺，說依遠離、依無欲、依滅、向於捨。」佛告阿難：「汝說精進耶？」阿難白佛：「我說精進，世尊！說精進。善逝！」佛告阿難：「唯精進，修習多修習，得阿耨多羅三藐三菩提。」說是語已，正坐端身繫念。(雜727經)。

#### (5)有生無不死

- 佛告大王：「正使婆羅門大姓、剎利大姓、長者大姓，生者皆死，無不死者。正使剎利大王灌頂居位，王四天下，得力自在，於諸敵國無不降伏，終歸有極，無不死者。若復，大王！生長壽夭，王於天宮，自在快樂，終亦歸盡，無不死者。若復，大王！阿羅漢比丘諸漏已盡，離諸重擔，所作已作，逮得己利，盡諸有結，正智心善解脫，彼亦歸盡，捨身涅槃。若復緣覺善調善寂，盡此身命，終歸涅槃。諸佛世尊十力具足，四無所畏，勝師子吼，終亦捨身，取般涅槃。以如是比，大王當知，一切眾生、一切虫、一切神，有生輒死，終歸磨滅，無不死者！」(續)

- 爾時，世尊復說偈言：

一切眾生類，有命終歸死，各隨業所趣，善惡果自受  
惡業墮地獄，為善上昇天，修習勝妙道，漏盡般涅槃  
如來及緣覺，佛聲聞弟子，會當捨身命，何況俗凡夫。

佛說此經已，波斯匿王聞佛所說，歡喜隨喜，  
作禮而去。《雜阿含》1227 經

### (6) 以法為本

- 聞如是：一時，佛在毘舍離祇園中，與大比丘眾  
五百人俱，漸漸復在人中遊化。是時，世尊還顧  
觀毘舍離城，尋時便說此偈：「今觀毘舍離，更  
後不復觀，亦復不入，於是當別去。」是  
時，毘舍離城中人民聞說此偈，普懷愁憂，從世  
尊後，各各墮淚，自相謂曰：「如來滅度將在不  
久，世間當失光明。」世尊告曰：「止!止!諸人  
勿懷愁憂，應壞之物欲使不壞者，終無此理。吾  
先以此四事之教，由此得作證。亦復與四部之眾，  
說此四事之教。云何為四：一切行無常，是謂一  
法；一切行苦，是謂二法；一切行無我，是謂  
三法；涅槃為滅盡，是謂第四法本。如是不久，  
如來當取滅度。汝等當知，四法之本，普與一切  
眾生而說其義。」

### (三) 辟支佛

#### 1、當立塔紀念

- 阿難當知!一切眾生皆無兜婆，唯有四人得立  
兜婆。一者謂如來應正遍知明行足善逝世間解  
無上士調御丈夫天人師佛世尊，慈愍眾生，堪  
為世間作上福田，應起兜婆。二者謂辟支佛。  
思惟諸法自覺悟道，亦能福利世間人民，應起  
兜婆。三者謂阿羅漢。隨所聞法思惟漏盡，亦  
能福利世間人民，應起兜婆。四者謂轉輪聖王。  
宿殖深福，有大威德，王四天下，七寶具足。  
自行十善，又復勸於四天下人，亦行十善，應  
起兜婆。(大般涅槃經)

## 2、具慈心

❖佛告阿難：「如汝所言，吾恒說三乘之行。過去、將來三世諸佛，盡當說三乘之法。阿難當知，或有是時，眾生之類顏貌壽命，轉轉減少，形器瘦弱，無復威神。多諸瞋怒、嫉妬、恚癡、姦偽、幻惑，所行不真。或復有利根捷疾，展轉諍競，共相鬪訟。或以手拳、瓦石、刀杖共相傷害。是時，眾生之類執草便成刀劍，斷斯命根。其中眾生，行慈心者無有瞋怒，見此變怪，皆懷恐懼，悉共馳走，離此惡處。在山野之中，自然剃除鬚髮，著三法衣，修無上梵行。剋己自修，盡有漏心而得解脫，便入無漏境。各各自相謂言，我等已勝怨家。阿難當知，彼名為最勝。」

是時，阿難復白佛言：彼人為在何部？聲聞部？辟支部？為佛部耶？佛告阿難：「彼人當名正在辟支部。所以然者，此人皆由造諸功德，行眾善本，修清淨四諦，分別諸法。夫行善法者，即慈心是也。所以然者，履仁行慈，此德廣大。吾昔著此慈仁之鎧，降伏魔官屬，坐樹王下，成無上道。」(增5)

## 3、大迦葉尊者

❖聞如是，一時，佛在羅閱城迦蘭陀竹園所，與大比丘眾五百人俱。爾時，尊者大迦葉住阿練若。到時乞食，不擇貧富。一處一坐，終不移易，樹下、露坐、或空閑處。著五納衣，或持三衣。或在塚間，或時一食，或正中食，或行頭陀，年高長大。

- 爾時，尊者大迦葉食後，便詣一樹下禪定。禪定已，從坐起，整衣服，往至世尊所。是時，世尊遙見迦葉來，世尊告曰：「善來! 迦葉!」時，迦葉便至世尊所，頭面禮足，在一面坐。世尊告曰：「迦葉。汝今年高長大，志衰朽弊，汝今可捨乞食，乃至諸頭陀行，亦可受諸長者請，并受衣裳。」
- 迦葉對曰：「我今不從如來教。所以然者，若當如來不成無上正真道者，我則成辟支佛。然彼辟支佛盡行阿練若，到時乞食，不擇貧富，一處一坐，終不移易。樹下、露坐、或空閑處。著五納衣，或持三衣、或在塚間、或時一食、或正中食、或行頭陀。如今不敢捨本所習，更學餘行。」

世尊告曰：善哉! 善哉! 迦葉! 多所饒益，度人無量，廣及一切天、人得度。所以然者? 若迦葉、此頭陀行在世者，我法亦當久在於世。設法在世，益增天道，三惡道便減，亦成須陀洹、斯陀含、阿那含三乘之道，皆存於世。諸比丘! 所學皆當如迦葉所習。如是，諸比丘! 當作是學。爾時，諸比丘聞佛所說。歡喜奉行。(增一)

#### 4、與佛不同

❖ 聞如是，一時，佛在舍衛國東苑鹿母園中，與大比丘眾五百人俱。是時，世尊七月十五日於露野地敷座，比丘僧前後圍繞。佛告阿難曰：「汝今於露地凍擊捷椎。所以然者，今七月十五日受歲之日。是時，尊者阿難右膝著地，長跪叉手，便說此偈：

淨眼無與等	無事而不練
智慧無染著	何等名受歲

爾時。世尊復以偈報阿難曰。

受歲三業淨	身口意所作
兩兩比丘對	自陳所作短
還自稱名字	今日眾受歲
我亦淨意受	唯願原其過

爾時，阿難復以偈問其義曰：

過去恒沙佛	辟支及聲聞
盡是諸佛法	獨是釋迦文

爾時，佛復以偈報阿難曰：

恒沙過去佛	弟子清淨心
皆是諸佛法	非今釋迦文
辟支無此法	無歲無弟子
獨逝無伴侶	不與他說法
當來佛世尊	恒沙不可計
彼亦受此歲	如今瞿曇法 (增五)

#### (四)聲聞弟子

##### 1、世人福田

❖如來聖眾，善業成就，質直順義，無有邪業，上下和穆，法法成就。如來聖眾，戒成就，三昧成就，智慧成就，解脫成就，度知見成就。聖眾者，所謂四雙八輩，是謂如來聖眾，應當恭敬，承事禮順。所以然者，是世福田故。於此眾中，皆同一器，亦以自度，復度他人至三乘道。如此之業名曰聖眾。(增-3)

##### 2、幫佛說法渡生

❖如是我聞，一時，佛遊鴛伽國，與大比丘眾千二百五十人俱，詣瞻婆城，止宿伽伽池側。以十五日月滿時，世尊在露地坐，大眾圍遶，竟夜說法。告舍利弗：「今者四方諸比丘集，皆各精勤，捐除眠睡，欲聞說法。吾患背痛，欲小止息，卿今可為諸比丘說法。」時，舍利弗受佛教已。爾時世尊即四牒僧伽梨，偃右脅臥如師子，累足而臥。爾時，耆年舍利弗告諸比丘：「今我說法，上中下言，皆悉真正，義味具足，梵行清淨。汝等諦聽，善思念之，當為汝說。」(長10-2)



### 3、為法忘軀

❖ 佛告富樓那：「我已略說法教，汝欲何所住？」  
富樓那白佛言：「世尊！我已蒙世尊略說教誡，我欲於西方輸盧那人間遊行。」佛告富樓那：「西方輸盧那人兇惡、輕躁、弊暴、好罵，富樓那！汝若聞彼兇惡、輕躁、弊暴、好罵、毀辱者，當如之何？」富樓那白佛言：「世尊！若彼西方輸盧那人面前兇惡、訶罵、毀辱者，我作是念：『彼西方輸盧那人賢善、智慧，雖於我前兇惡、弊暴、罵、毀辱我，猶尚不以手石而見打擲。』」

- 佛告富樓那：「彼西方輸盧那人但兇惡、輕躁、弊暴、罵辱，於汝則可脫，復當以手石打擲者，當如之何？」富樓那白佛言：「世尊！西方輸盧那人，脫以手石加於我者，我當念言：『輸盧那人賢善、智慧，雖以手石加我而不用刀杖。』」
- 佛告富樓那：「若當彼人脫以刀杖而加汝者，復當云何？」富樓那白佛言：「世尊！若當彼人脫以刀杖而加我者，當作是念：『彼輸盧那人賢善、智慧，雖以刀杖而加於我，而不見殺。』」

- 佛告富樓那：「假使彼人脫殺汝者，當如之何？」富樓那白佛言：「世尊！若西方輸盧那人脫殺我者，當作是念：『有諸世尊弟子當厭患身，或以刀自殺，或服毒藥，或以繩自繫，或投深坑。彼西方輸盧那人賢善、智慧，於我朽敗之身，以少作方便，便得解脫。』」
- 佛言：「善哉！富樓那！汝善學忍辱，汝今堪能於輸盧那人間住止，汝今宜去，度於未度，安於未安，未涅槃者令得涅槃。」爾時，富樓那聞佛所說，歡喜、隨喜，作禮而去。

- 爾時，尊者富樓那夜過晨朝，著衣持鉢，入舍衛城乞食。食已還出，付囑臥具，持衣鉢，去至西方輸盧那人間遊行。到已，夏安居，為五百優婆塞說法，建立五百僧伽藍，繩床、臥褥、供養眾具，悉皆備足。三月過已，具足三明，即於彼處入無餘涅槃。

#### 4、讓半座

- 爾時，尊者摩訶迦葉久住舍衛國阿練若床坐處，長鬚髮，著弊納衣，來詣佛所。爾時，世尊、無數大眾圍繞說法。時，諸比丘見摩訶迦葉從遠而來，見已，於尊者摩訶迦葉所起輕慢心，言：「此何等比丘？衣服麤陋，無有儀容而來，衣服彷彿而來。」爾時，世尊知諸比丘心之所念，告摩訶迦葉：「善來！迦葉！於此半座，我今竟知誰先出家，汝耶？我耶？」彼諸比丘心生恐怖，身毛皆豎，並相謂言：「奇哉！尊者！彼尊者摩訶迦葉，大德大力，大師弟子，請以半座。」爾時，尊者摩訶迦葉合掌白佛言：「世尊！佛是我師，我是弟子。」佛告迦葉：「如是！如是！我為大師，汝是弟子，汝今且坐，隨其所安。」(雜1142)

#### 5、大目犍連

- 時，天帝釋語尊者大目犍連：「觀此堂觀地好平正，其壁、柱、梁、重閣、牕牖、羅網、簾障，悉皆嚴好。」尊者大目犍連語帝釋言：「憍尸迦！先修善法福德因緣，成此妙果。」如是，帝釋三自稱歎，問尊者大目犍連，尊者大目犍連亦再三答。時，尊者大目犍連作是念：「今此帝釋極自放逸，著界神住，歎此堂觀，我當令彼心生厭離。」即入三昧，以神通力，以一足指撤其堂觀，悉令震動。時，尊者大目犍連即沒不現。諸天女眾見此堂觀震掉動搖，顛沛恐怖，東西馳走，白帝釋言：「此是憍尸迦大師，有此大功德力耶？」時，天帝釋語諸天女：「此非我師，是大師弟子大目犍連，梵行清淨，大德大力者。」諸天女言：「善哉！憍尸迦！乃有如此梵行大德大力同學，大師德力當復如何？」(雜505)

## 6、阿難

- 佛說當覺六入處，言已，入室坐禪。時，有眾多比丘，世尊去後，作此論議：「世尊為我等略說法要，不廣分別而入室坐禪。世尊說言：『當覺六入處！若彼眼滅，色想則離；耳、鼻、舌、身、意滅，法想則離。』我等今日於世尊略說法中猶故不解，今此眾中，誰有慧力，能為我等於世尊略說法中，廣為我等演說其義？」復作是念：唯有尊者阿難，常侍世尊，常為大師之所讚歎，聰慧梵行，唯有尊者阿難堪能為我等於世尊略說法中，演說其義，我等今日皆共往詣尊者阿難所，問其要義，如阿難所說，悉當奉持。」(雜211)

## 7、十法比丘

- 兩勢！世尊知見如來、無所著、等正覺說有十法而可尊敬，我等若見**比丘有此十法者**，則共愛敬、尊重、供養、宗奉，禮事於彼比丘，云何為十？
  1. 兩勢！比丘修習禁戒，守護從解脫，又復善攝威儀禮節...
  2. 復次，兩勢！比丘廣學多聞，守持不忘，積聚博聞...
  3. 復次，兩勢！比丘作善知識，作善朋友，作善伴黨。...
  4. 復次，兩勢！比丘樂住遠離，成就二遠離：身及心也。...

5. 復次，兩勢！比丘樂於燕坐，內行正止...
  6. 復次，兩勢！比丘知足，衣取覆形，食取充軀，隨所遊至，與衣鉢俱，行無顧戀...
  7. 復次，兩勢！比丘常行於念，成就正念，...
  8. 復次，兩勢！比丘常行精進，斷惡不善，修諸善法，...
  9. 復次，兩勢！比丘修行智慧，觀興衰法，得如此智...
  10. 復次，兩勢！比丘諸漏已盡，而得無漏...
- (中145)

## 8、依法不依人

- 摩竭陀大臣兩勢白曰：阿難！前後所說何不相應？阿難向如是說：『無一比丘與世尊等等，亦無一比丘為世尊所知見如來、無所著、等正覺在時所立：「此比丘我般涅槃後，為諸比丘所依。」謂：令我等今所依者，亦無一比丘與眾共和集拜：「此比丘世尊般涅槃後，為諸比丘所依。」謂：令我等今所依者。』阿難！何因何緣今說我有所依耶？」(續)

- 尊者阿難答曰：「兩勢！我等不依於人而依於法。兩勢！我等若依村邑遊行，十五日說誦解脫時，集坐一處，若有比丘知法者，我等請彼比丘為我等說法。若彼眾清淨者，我等一切歡喜奉行彼比丘所說，若彼眾不清淨者，隨法所說，我等教作是。」(中145)

## 第三節 聽聞正法

### 一、佛轉法輪

#### 1、梵天王請轉

- 時，梵天王右膝著地，叉手合掌白佛言：「唯願世尊以時說法，今此眾生塵垢微薄，諸根猛利，有恭敬心，易可開化，畏怖後世無救之罪，能滅惡法，出生善道」。(續)

• 佛告梵王：「如是!如是!如汝所言。但我於閒靜處默自思念：『所得正法甚深微妙，若為彼說，彼必不解，更生觸擾，故我默然不欲說法。我從無數阿僧祇劫，勤苦不懈，修無上行，今始獲此難得之法。若為婬·怒·癡眾生說者，必不承用，徒自勞疲。此法微妙，與世相反，眾生染欲，愚冥所覆，不能信解』。梵王!我觀如此，是以默然不欲說法。」時，梵天王復重勸請，慫慂懇側，至于再三。(長-大本經)

---

---

---

---

---

---

---

2、自轉法輪

• 我初覺無上正盡覺已，作如是念：『我當為誰先說法耶？』我復作是念：『昔五比丘為我執勞，多所饒益，我苦行時，彼五比丘承事於我，我今寧可為五比丘先說法耶？』我復作是念：『昔五比丘今在何處？』我以清淨天眼出過於人，見五比丘在波羅捺仙人住處鹿野園中。我隨住覺樹下，攝衣持鉢，往波羅捺加尸都邑。(中-204經)

---

---

---

---

---

---

---

3、必轉法輪

• 聞如是：一時，佛在舍衛國祇樹給孤獨園。爾時，世尊告諸比丘：「如來出現世時，必當為五事，云何為五？一者當轉法輪，二者當度父母，三者無信之人立於信地，四者未發菩薩意使發菩薩心，五者當授將來佛決，若如來出現世時，當為此五事。是故，諸比丘!當起慈心向於如來。如是，比丘!當作是學。」爾時，諸比丘聞佛所說，歡喜奉行。(增35-2)

---

---

---

---

---

---

---

#### 4、一大事因緣

- 爾時，世尊告諸比丘：「有三法，世間所不愛、不念、不可意。何等為三？謂老、病、死。世間若無此三法不可愛、不可念、不可意者，如來、應、等正覺不出於世間，世間亦不知有如來、應、等正覺知見，說正法、律。以世間有老、病、死三法不可愛、不可念、不可意故，是故如來、應、等正覺出於世間，世間知有如來、應、等正覺所知、所見，說正法、律。(雜346)

---

---

---

---

---

---

---

---

---

---

#### 二、聽聞正法

##### 1、聞長益

- 聞如是：一時，佛在舍衛國祇樹給孤獨園。爾時，世尊告諸比丘：「依雪山上有大高廣之樹，五事長大，云何為五？根不移動、皮極厚大、枝、節遠蔭靡所不覆、葉極茂盛，是謂，比丘！依雪山上有此大樹極為俊好。今善男子、善女人亦復如是，依豪族之處，五事長益，云何為五？所謂信長益、戒長益、聞長益、施長益、慧長益，是謂，比丘！信善男子、善女人依豪族家，成就此五事。是故，比丘！當求方便，成就信、戒、聞、施、智慧。」(增50-7)

---

---

---

---

---

---

---

---

---

---

#### 2、聞法有五種功德

- 聞如是：一時，佛在舍衛國祇樹給孤獨園。爾時，世尊告諸比丘：「**隨時聽法有五功德**，隨時承受不失次第，云何為五？未曾聞者便得聞之、以得聞者重誦誦之、見不邪傾、無有狐疑、即解甚深之義，隨時聽法有五功德。是故，諸比丘！當求方便，隨時聽法。如是，諸比丘！當作是學。」爾時，諸比丘聞佛所說，歡喜奉行。(增36-1)

---

---

---

---

---

---

---

---

---

---

### 3、見清淨

- 云何名為見淨斷？謂：聖弟子聞大師說法，如是如是說法，則如是如是入如實正觀，如是如是得歡喜、得隨喜、得從於佛。

復次，聖弟子不聞大師說法，然從餘明智尊重梵行者說，聞尊重梵行者如是如是說，則如是如是入如實觀察，如是如是觀察，於彼法得歡喜、隨喜，信於正法。

復次，聖弟子不聞大師說法，亦復不聞明智尊重梵行者說，隨先所聞受持者重誦習，隨先所聞受持者如是如是重誦已，如是如是得入彼法，乃至信於正法。(續)

- 復次，聖弟子不聞大師說法，不聞明智尊重梵行者說，又復不能先所受持重誦習，然先所聞法為人廣說；先所聞法如是如是為人廣說，如是如是得入於法，正智觀察，乃至信於正法。

復次，聖弟子不聞大師說法，復不聞明智尊重梵行者說，又復不能先所受持重誦習，亦復不以先所聞法為人廣說，然於先所聞法獨一靜處思惟觀察；如是如是思惟觀察，如是如是得入正法，乃至信於正法。

如是，從他聞，內正思惟，是名未起正見令起，已起正見令增廣；是名未滿慧身令滿，已滿者隨順攝受，欲，精進，方便，乃至常攝受，是名見淨斷。(雜565)

### 4、聽法十六相

- 若人欲聽正法，具十六相，乃可聽受。何等十六：一隨時聽、二恭敬、三欲樂、四無執著、五如聞隨行、六不為破難、七於法起尊重心、八於說者起尊重心、九不輕撥正法、十不輕撥說者、十一不輕己身、十二一心不散、十三欲求解心、十四一心諦聽、十五依理正思、十六憶持前後，而聽正法。佛聖弟子!若能如此，恭敬諦聽，信根生長，於正法中，心得澄淨。(中《廣義法門經》)

## 5、聽法五意

- 佛便告比丘：「若人意在五法中，設使聞佛法教，不應除塵垢，亦不得道眼。何等為五：一者若惱說經者。二者若求便。三者若求窮。四者聞亦邪念，意著他因緣。五者亦無有自高(能力)，意令所聞分別好醜。若人意隨是五法，設使聞佛說法，不應自解塵垢，亦不應生法眼。」
- 佛復告比丘：「有五法，若人意在五法，即聞佛所教行法，為應自解塵垢，亦應得道眼。何等為五：...一為不惱說經者。二為不求經中長短。三為不求窮。四者為亦不邪念。五為亦自有點意能分別白黑。佛說如是。(阿含部-七處三觀經)

## 6、多聞

- 如是我聞：一時，佛住舍衛國祇樹給孤獨園。時，有異比丘來詣佛所，為佛作禮，卻住一面，白佛言：「如世尊說多聞，云何為多聞？」佛告比丘：「善哉！善哉！汝今問我多聞義耶？」比丘白佛：「唯然，世尊！」佛告比丘：「諦聽！善思！當為汝說。比丘！當知若聞色是生厭、離欲、滅盡、寂靜法，是名多聞。如是，聞受.....想.....行.....識是生厭、離欲、滅盡、寂靜法，是名多聞。比丘！是名如來所說多聞。」時，彼比丘聞佛所說，踊躍歡喜，作禮而去。(雜25經)

## 7、不離乳

- 爾時，世尊為尊者舍利弗種種說法，示、教、照、喜；示、教、照、喜已，默然住。時，尊者舍利弗聞佛所說，歡喜、隨喜已，稽首禮足而去。時，有外道出家補縷低迦，隨路而來，問尊者舍利弗：「從何所來？」舍利弗答言：「火種！我從我世尊所，聽大師說教授法來。」補縷低迦問：「尊者舍利弗！今猶**不離乳**，從師聞說教授法耶？」舍利弗答言：「火種！我**不離乳**，於大師所，聞說教授法。」補縷低迦語尊者舍利弗言：「我久已離乳，捨師所說教授法。」



- 舍利弗言：「汝法是惡說法律，惡覺，非為出離，非正覺道；壞法，非可讚歎法，非可依止法；又，彼師者非等正覺，是故汝等疾捨乳，離師教法。譬如：乳牛鹿惡狂騷，又少乳汁，彼犢飲乳，疾疾捨去，如是，惡說法律，惡覺，非出離，非正覺道；壞法，非可讚歎法，非可依止法；又，彼師者非等正覺，是故，速捨師教授法。我所有法，是正法律，是善覺，是出離，正覺道；不壞，可讚歎，可依止；

- 又，彼大師是等正覺，是故，久飲其乳，聽受大師說教授法。譬如：乳牛不鹿狂騷，又多乳汁，彼犢飲時，久而不厭，我法如是，是正法律，.....乃至久聽說教授法。」時，補縷低迦語舍利弗：「汝等快得善利！於正法律，.....乃至久聽說教授法。」時，補縷低迦外道出家聞舍利弗所說，歡喜、隨喜，從道而去。(雜雜阿含974)

#### 第四節、如理作意(內正思惟、觀法義)

##### 1、內正思惟

- yoniso manasikāra
- Yoniso 於根本上、根源上，合理的、合適的
- Mana 心、意、注意
- Kāra 造作; 業

##### 2、正思惟(八正道)

- sammāsaṅkappa
- Sammā 正當、恰當、適當
- Saṅkappa 思惟、意圖、企圖

(一)分別、自決、意解，計數、立意，

- 何等為正志？謂正志有二種。有正志世、俗，有漏、有取，向於善趣；有正志，是聖、出世間，無漏、不取，正盡苦，轉向苦邊。何等為正志有世、俗，有漏、有取，向於善趣？謂正志出要覺、無志覺、不害覺，是名正志世、俗，有漏、有取，向於善趣。何等為正志是聖、出世間，無漏、不取，正盡苦，轉向苦邊？謂聖弟子苦苦思惟，集、滅、道道思惟，**無漏思惟相應心法，分別、自決、意解，計數、立意**，是名正志是聖、出世間，無漏、不取，正盡苦，轉向苦邊。
- takka 推理；vitakka 思索；saṅkappa (正)思惟；appana 專注；vyappanā 入定；cetasa 發心、心的；abhiniropana 放在心上/運用；vacīsaṅkhāra 語行(心的尋伺)。

(二)、不應思惟或錯誤思惟

1、莫作世間思惟

- 如是我聞：一時，佛住王舍城迦蘭陀竹園。時，有眾多比丘集於食堂，思惟世間而思惟。爾時，世尊知諸比丘心之所念，往詣食堂，敷座而坐，告諸比丘：「汝等比丘慎莫思惟世間思惟。所以者何？世間思惟非義饒益，非法饒益，非梵行饒益，非智、非覺，不順涅槃。汝等當正思惟：『此苦聖諦、此苦集聖諦、此苦滅聖諦、此苦滅道跡聖諦。』所以者何？如此思惟則義饒益、法饒益、梵行饒益，正智、正覺、正向涅槃。」(續)

- 「過去世時，有一士夫出王舍城，於拘絺羅池側正坐思惟——世間思惟。當思惟時，見四種軍——象軍、馬軍、車軍、步軍，無量無數，皆悉入於一藕孔中。見已，作是念：『我狂失性，世間所無，而今見之。』爾時，去池不遠，更有大眾一處聚集。時，彼士夫詣大眾所語言：『諸人，我今發狂，我今失性，世間所無，而我今見，如上廣說。』時，彼大眾皆謂士夫狂發失性，世間所無，而彼見之。」(續)

- 佛告比丘：「然彼士夫非狂失性，所見真實。所以者何？爾時，去拘絺羅池不遠，有諸天阿修羅興四種軍，戰於空中。時，諸天得勝，阿修羅軍敗，退入彼池一藕孔中。是故，比丘！汝等慎莫思惟世間。所以者何？世間思惟非義饒益，非法饒益，非梵行饒益，非智、非覺，非正向涅槃，當思惟四聖諦。何等為四？苦聖諦、苦集聖諦、苦滅聖諦、苦滅道跡聖諦。」(雜407)。

## 2、婆蹉種出家

- 時，有婆蹉種出家，來詣佛所，合掌問訊。問訊已，退坐一面，白佛言：「瞿曇！欲有所問，寧有閑暇見答以不？」佛告婆蹉種出家：「隨汝所問，當為汝說。」婆蹉種出家白佛言：「云何，瞿曇！命即身耶？」佛告婆蹉種出家：「命即身者，此是無記。」「云何，瞿曇！為命異身異耶？」佛告婆蹉種出家：「命異身異者，此亦無記。」婆蹉種出家白佛：「云何，瞿曇！命即身耶，答言無記；命異身異，答言無記？沙門瞿曇有何等奇？弟子命終，即記說言：某生彼處，某生彼處，彼諸弟子於此命終捨身，即乘意生生於餘處，當於爾時非為命異身異也？」(續)(\*命：我)

- 佛告婆蹉：「此說有餘，不說無餘。」婆蹉白佛：「瞿曇！云何說有餘，不說無餘？」佛告婆蹉：「譬如：火有餘得然，非無餘。」婆蹉白佛：「我見火無餘亦然。」佛告婆蹉：「云何見火無餘亦然？」婆蹉白佛：「譬如：大聚熾火疾風來吹，火飛空中，豈非無餘火耶？」佛告婆蹉：「風吹飛火，即是有餘，非無餘也。」婆蹉白佛：「瞿曇！空中飛火，云何名有餘？」佛告婆蹉：「空中飛火，依風故住，依風故然，以依風故，故說有餘。」(續)  
(\* 有餘upādāna：有取/有燃料)

- 婆蹉白佛：「眾生於此命終，乘意生身往  
生餘處，云何有餘？」佛告婆蹉：「眾生  
於此處命終，乘意生身生於餘處，當於爾  
時，因愛故取，因愛而住，故說有餘。」  
婆蹉白佛：「眾生以愛樂有餘，染著有餘，  
唯有世尊得彼無餘，成等正覺，沙門瞿曇！  
世間多緣，請辭還去。」佛告婆蹉：宜知  
是時。」婆蹉出家聞佛所說，歡喜、隨喜，  
從坐起而去。(雜957)

### 3、十四無記

- 如是我聞：一時，佛住王舍城迦蘭陀竹園。時，  
有眾多比丘集於食堂，作如是論：「或謂**世間有  
常**，或謂**世間無常**、**世間有常無常**、**世間非有常  
非無常**；**世間有邊**、**世間無邊**、**世間有邊無邊**、  
**世間非有邊非無邊**；是命是身、命異身異；**如來  
死後有**、**如來死後無**、**如來死後有無**、**如來死後  
非有非無**。」

爾時，世尊一處坐禪，以天耳聞諸比丘集於  
食堂論議之聲。

聞已，往詣食堂，於大眾前敷座而坐，告諸  
比丘：

「汝等比丘眾多聚集，何所言說？」

時，諸比丘白佛言：「世尊！我等眾多比丘集  
此食堂，作如是論：『或說有常，或說無常，.....  
如上廣說。』」

佛告比丘：「汝等莫作如是論議，所以者何？  
如此論者，非義饒益，非法饒益，非梵行饒益，  
非智、非正覺，非正向涅槃。」

汝等比丘應如是論議：『此苦聖諦，此苦集  
聖諦，此苦滅聖諦，此苦滅道跡聖諦。』所以者  
何？如是論議是義饒益，法饒益，梵行饒益，正  
智、正覺，正向涅槃。」

是故，比丘！於四聖諦未無間等，當勤方便，  
起增上欲，學無間等。」

佛說此經已，諸比丘聞佛所說，歡喜奉行。  
(雜408)

### (三)、正思惟無常

- 如是我聞：一時，佛住舍衛國祇樹給孤獨園。爾時，世尊告諸比丘：「於色當正思惟，[觀]色無常如實知，所以者何？比丘於色正思惟、觀色無常如實知者，於色欲貪斷，欲貪斷者，說心解脫。如是，受.....想.....行.....識當正思惟，觀識無常如實知，所以者何？於識正思惟、觀識無常者，則於識欲貪斷，欲貪斷者，說心解脫。如是心解脫者，若欲自證，則能自證：『我生已盡，梵行已立，所作已作，自知不受後有。』」如是，正思惟無常，苦、空、非我亦復如是。時，諸比丘聞佛所說，歡喜奉行。(雜2)

---

---

---

---

---

---

---

---

---

---

### (四)、正思惟生命流轉與還滅

- 爾時，世尊告諸比丘：「我憶宿命未成正覺時，獨一靜處，專精禪思，作是念：『何法有故老死有？何法緣故老死有？』即正思惟，生如實無間等，生有故老死有，生緣故老死有。如有有、取、愛、受、觸、六入處、名色。何法有故名色有？何法緣故名色有？即正思惟，如實無間等生，識有故名色有，識緣故有名色有。我作是思惟時，齊識而還不能過彼，謂緣識名色，緣名色六入處，緣六入處觸，緣觸受，緣受愛，緣愛取，緣取有，緣有生，緣生老、病、死、憂、悲、惱、苦。如是如是純大苦聚集。(續)

---

---

---

---

---

---

---

---

---

---

- 「我時作是念：『何法無故則老死無？何法滅故老死滅？』即正思惟，生如實無間等，生無故老死無，生滅故老死滅，如是生、有、取、愛、受、觸、六入處、名色、識、行.....」廣說。
- 「我復作是思惟：『何法無故行無？何法滅故行滅？』即正思惟，如實無間等，無明無故行無，無明滅故行滅，行滅故識滅，識滅故名色滅，名色滅故六入處滅，六入處滅故觸滅，觸滅故受滅，受滅故愛滅，愛滅故取滅，取滅故有滅，有滅故生滅，生滅故老、病、死、憂、悲、惱、苦滅，如是如是純大苦聚滅。(雜287)

---

---

---

---

---

---

---

---

---

---

(五) 四種正思惟

• 如是我聞：一時，佛住王舍城迦蘭陀竹園。爾時，世尊告諸比丘：「世有四種良馬：有良馬，駕以平乘，顧其鞭影馳駛，善能觀察御者形勢，遲速左右，隨御者心，是名，比丘！世間良馬第一之德。

復次，比丘！世間良馬不能顧影而自驚察，然以鞭杖觸其毛尾，則能驚速，察御者心，遲速左右，是名世間第二良馬。

復次，比丘！若世間良馬不能顧影、及觸皮毛能隨人心，而以鞭杖小侵皮肉，則能驚察，隨御者心，遲速左右，是名，比丘！第三良馬。

復次，比丘！世間良馬不能顧其鞭影、及觸皮毛、小侵膚肉，乃以鐵錐刺身，微膚傷骨，然後方驚，牽車著路，隨御者心，遲速左右，是名世間第四良馬。

如是，於正法律有四種善男子，何等為四？調：善男子聞他聚落有男子、女人疾病困苦.....乃至死，聞已，能生恐怖，依正思惟，如彼良馬顧影則調，是名第一善男子於正法律能自調伏。

復次，善男子不能聞他聚落若男、若女老、病、死苦能生怖畏，依正思惟；見他聚落若男、若女老、病、死苦，則生怖畏，依正思惟，如彼良馬觸其毛尾，能速調伏，隨御者心，是名第二善男子於正法律能自調伏。

復次，善男子不能聞、見他聚落中男子、女人老、病、死苦生怖畏心、依正思惟，然見聚落、城邑有善知識及所親近老、病、死苦，則生怖畏，依正思惟，如彼良馬觸其膚肉，然後調伏，隨御者心，是名[第三]善男子於聖法律而自調伏。

復次，善男子不能聞、見他聚落中男子、女人、及所親近老、病、死苦生怖畏心、依正思惟，然於自身老、病、死苦能生厭怖，依正思惟，如彼良馬侵肌徹骨，然後乃調，隨御者心，是名第四善男子於聖法律能自調伏。」

佛說此經已，諸比丘聞佛所說，歡喜奉行。  
(雜922)

(六)、命終時的正思惟

- 如是我聞：一時，佛住舍衛國祇樹給孤獨園。爾時，尊者阿濕波誓住東園鹿母講堂，身遭重病，極生苦患，……乃至轉增無損。
- 佛告阿濕波誓：「汝莫變悔！」阿濕波誓白佛言：「世尊！我實有變悔。」佛告阿濕波誓：「汝得無破戒耶？」阿濕波誓白佛言：「世尊！我不破戒。」佛告阿濕波誓：「汝不破戒，何為變悔？」阿濕波誓白佛言：「世尊！我先未病時，得身息樂正受多修習，我於今日不復能得入彼三昧，我作是思惟：『將無退失是三昧耶？』」

---

---

---

---

---

---

---

---

---

---

- 佛告阿濕波誓：「我今問汝，隨意答我。阿濕波誓！汝見色即是我、異我、相在不？」阿濕波誓白佛言：「不也，世尊！」復問：「汝見受、想、行、識是我、異我、相在不？」阿濕波誓白佛言：「不也，世尊！」佛告阿濕波誓：「汝既不見色是我、異我、相在，不見受、想、行、識，是我、異我、相在，何故變悔？」**阿濕波誓白佛言：『世尊！不正思惟故。』**佛告阿濕波誓：「若沙門、婆羅門三昧堅固，三昧平等，若不得入彼三昧，不應作念：『**我於三昧退減**。』」

---

---

---

---

---

---

---

---

---

---

- 若復聖弟子不見色是我、異我、相在；不見受、想、行、識是我、異我、相在，但當作是覺知：『貪欲永盡無餘，瞋恚、愚癡永盡無餘。』貪、恚、癡永盡無餘已，一切漏盡，無漏心解脫、慧解脫，現法自知作證：『我生已盡，梵行已立，所作已作，自知不受後有。』」
- 佛說是法時，尊者阿濕波誓不起諸漏，心得解脫，歡喜踊悅；歡喜踊悅故，身病即除。佛說此經，令尊者阿濕波誓歡喜、隨喜已，從坐起而去。(雜1024)

---

---

---

---

---

---

---

---

---

---

### 第五節法次法向/法隨法行

- Dhammānudhammappaṭipanna
  - anudhamma 次法、依於法 in accord with
  - Dhamma paṭipanna 向於法
  - Paṭipanna 向， following up； reaching； going along or by ( practising )； entering on； obtaining
- 問曰：「云何法次法？」答曰：「佛契經說，涅槃第一義法，彼次更有何法，謂聖八道也。是故說法次法。(轉婆沙論卷第一)
- 又世尊言：「法次法向彼」。云何法？云何次法向彼？答曰：涅槃調之法，聖八道種調之次法向彼。
- 向法次法(或言法次法向，謂無為滅諦為所向，有為道諦為能向，道諦次滅故名次法。依道諦而行亦言如說修行)。(一切經音譯)

---

---

---

---

---

---

---

---

### 一、受持法

#### (一)於色向厭、離欲、滅盡

- 如是我聞：一時，佛住舍衛國祇樹給孤獨園。爾時，有異比丘來詣佛所，頭面作禮，却住一面，白佛言：「如世尊說法次法向，云何法次法向？」佛告比丘：「善哉！善哉！汝今欲知法次法向耶？」比丘白佛：「唯然。世尊！」佛告比丘：「諦聽，善思，當為汝說。比丘！於色向厭、離欲、滅盡，是名法次法向；如是受、想、行、識，於識向厭、離欲、滅盡，是名法次法向。」時，彼比丘聞佛所說，踊躍歡喜，作禮而去。(雜27)

---

---

---

---

---

---

---

---

#### (二)優婆塞事

- 佛告摩訶男：「若優婆塞有信無戒，是則不具，當勤方便，具足淨戒。具足信、戒而不施者，是則不具；以不具故，精勤方便，修習布施，令其具足滿。信、戒、施滿，不能隨時往詣沙門，聽受正法，是則不具；以不具故，精勤方便，隨時往詣塔寺，見諸沙門。不一心聽受正法，是不具足。信、戒、施、聞修習滿足，聞已不持，是不具足；以不具足故，精勤方便，隨時往詣沙門，專心聽法，聞則能持。(續)

---

---

---

---

---

---

---

---



- 不能觀察諸法深義，是不具足；不具足故，精勤方便，信、戒、施、聞，**聞則能持**，持已，觀察甚深妙義，而不隨順知**法次法向**，是則不具，以不具故，精勤方便，信、戒、施、聞，受持觀察，了達深義，隨順行法次法向。摩訶男！是名滿足一切種優婆塞事。」(雜929)

---

---

---

---

---

---

---

---

---

---

### (三)受持四聖諦

- 爾時，世尊告諸比丘：「汝持我所說**四聖諦不**？」時，有異比丘從座起，整衣服，為佛作禮，合掌白佛言：「唯然，世尊所說四聖諦，我悉持之，...。」佛告彼比丘：「善哉！善哉！如我所說四聖諦，汝悉持之。諸比丘！若沙門、婆羅門作如是說：『如沙門瞿曇所說苦聖諦，我當捨，更立苦聖諦。』者，但有言數，問已不知，增其疑惑，以非其境界故；『苦集聖諦、苦滅聖諦、苦滅道跡聖諦我今當捨，更立餘四聖諦。』者，彼但有言數，問已不知，增其疑惑，以非其境界故。是故，比丘！於四聖諦未無間等者，當勤方便，起增上欲，學無間等。」(雜418)

---

---

---

---

---

---

---

---

---

---

## 二、習誦法---行法第一步

### 1、勤誦經

- 如是我聞：一時，佛住舍衛國祇樹給孤獨園。時，有比丘在拘薩羅人間，林中止住，**勤誦經**，勤講說，精勤思惟，得阿羅漢果。證已，不復精勤誦說。時，有天神止彼林中者，而說偈言：「比丘汝先時，晝夜勤誦習，常為諸比丘，共論決定義。汝今於法句，寂然無所說，不與諸比丘，共論決定義。」時彼比丘說偈答言：「本未應離欲，心常樂法句，既離欲相應，誦說事已畢。先知道已備，用聞見道為？世間諸聞見，無知悉放捨。」時，彼天神聞比丘所說，歡喜、隨喜，即沒不現。(雜1337)

---

---

---

---

---

---

---

---

---

---

### 1-1 為他習誦一說法

- 爾時，世尊勤為聲聞說法。時，諸信心歸三寶者，斯則皆生人、天道中。
- 時，魔波旬作是念：「今沙門瞿曇住於釋氏石主釋氏聚落，勤為四眾說法，我今當往為作留難。」
- 化作年少，往往佛前，而說偈言：「何為勤說法，教化諸人民？相違不相違，不免於驅馳，以有繫縛故，而為彼說法。」
- 爾時，世尊作是念：「惡魔波旬欲作擾亂。」即說偈言：「汝夜叉當知：眾生群集生，諸有智慧者，孰能不哀愍？以有哀愍故，不能不教化，哀愍諸眾生，法自應如是。」(雜1097)

### 2、誦諸經品

- 如是我聞：一時，佛住王舍城迦蘭陀竹園。時，尊者阿那律陀於摩竭提人間遊行，到畢陵伽鬼子母住處宿。時，尊者阿那律陀夜後分時，端身正坐，誦憂陀那、波羅延那、見真諦、諸上座所說偈、比丘尼所說偈、尸路偈、義品、牟尼偈、修多羅，悉皆廣誦。爾時，畢陵伽鬼子母夜啼，畢陵伽鬼子母為其子說偈呵止言：  
「畢陵伽鬼子，汝今莫得啼，當聽彼比丘，誦習法句偈。若知法句者，能自護持戒，遠離於殺生，實言不妄語，能自捨非義，解脫鬼神道。」  
畢陵伽鬼子母說是偈時，畢陵伽鬼子啼聲即止。(雜1321)

- 憂陀那(udāna): 讚嘆，自說；有感而發的感興語
- 波羅延那(Pārāyana)：是早期集成的問答偈頌集
- 見真諦：佛為弟子作四聖諦的種種開示
- 諸上座所說偈：佛上座弟子的教導
- 比丘尼所說偈：佛上座弟子的教導
- 尸路偈(Sāilagāthā)：不明
- 義品(Atthakavagga)：於不著一切的勝義空，有深切的關係。
- 牟尼偈(munigāthā)：聖人所傳的說偈
- 修多羅：

### 3、外道出家

- 爾時世尊告阿難言：「汝今當知：我於道場。成阿耨多羅三藐三菩提。最初說法，度阿若憍陳如等五人。今日在於娑羅林中，臨般涅槃，最後說法，度須跋陀羅。諸天及人，無復更應聞我說法而得度者。若有善根應得解脫，當來皆是我之弟子，展轉相教。阿難！須跋陀羅，雖是外道，而其善根，應成熟時，唯有如來，能分別知。我般涅槃後，若有外道，欲於我法求出家者，汝等不應便聽許之。先令四月誦習經典，觀其意性為虛為實，若見其行質直柔軟，於我法中實有深樂。然後方可聽其出家。」(阿含部一大般涅槃經)

---

---

---

---

---

---

---

---

---

---

### 4、不堪任行禪法者

- 彼佛與諸弟子說如此之法：「諸比丘！當念坐禪，勿有懈怠。復求方便，誦習經戒。」彼佛侍者名曰滿願，多聞第一，如我今日阿難比丘多聞最勝。時，彼滿願比丘白寶藏佛言：「諸有比丘諸根闇鈍，亦不精進於禪定法，又不誦習。今日世尊欲安此人著何聚中？」寶藏佛告曰：「設有比丘諸根闇鈍，不堪任行禪法者，當修三上人法業。云何為三：所謂坐禪、誦經、佐勸眾事。」如是彼佛與諸弟子說如此微妙之法。爾時，有長老比丘亦不堪任修行禪法。時，彼比丘便作是念：「我今年衰長大，亦不能修其禪法，今當求願行勸助之法。」(增43-2)

---

---

---

---

---

---

---

---

---

---

### 5、亦雨亦雷

- 聞如是：一時，佛在舍衛國祇樹給孤獨園。爾時，世尊告諸比丘：「有四種雲，云何為四？或有雲雷而不雨，或有雲雨而不雷，或有雲亦雨亦雷，或有雲亦不雨亦不雷，是謂四種雲。世間四種人而像雲，何等四人？或有比丘雷而不雨，或有比丘雨而不雷，或有比丘亦不雨亦不雷，或有比丘亦雨亦雷。彼云何比丘雷而不雨？或有比丘高聲誦習，所謂契經、祇夜、受決、偈、本末、因緣、已說、生經、頌、方等、未曾有法、譬喻，如是諸法善諷誦讀，不失其義，不廣與人說法，是謂：此人雷而不雨。」

---

---

---

---

---

---

---

---

---

---

• 彼云何人雨而不雷？或比丘有顏色端政(正)，出人行來，進止之宜皆悉具知，修諸善法，無毫釐之失，然不多聞，亦不高聲誦習，復不修行契經、本末、授決、偈、因緣、譬喻、生經、方等、未曾有法，然從他承受，亦不忘失，好與善知識相隨，亦好與他說法，是謂：此人雨而不雷。

彼何等人亦不雨亦復不雷？或有一人顏色不端政，出人行來，進止之宜皆悉不具，不修諸善法，然不多聞，亦不高聲誦習(讀)，復不修行契經至方等，亦復不與他說法，是謂：此人亦不雨亦不雷。

復有何等人亦雨亦雷？或有一人顏色端政，出人行來，進止之宜亦悉具知，好喜學問，所受不失，亦好與他說法，勸進他人，令使承受，是謂：此人亦雷亦雨。

是謂，比丘！世間有此四人。是故，比丘！當作是學。」(增50-8)

---

---

---

---

---

---

---

---

### 6、數牛頭

• 聞如是：一時，佛在舍衛國祇樹給孤獨園。爾時，目連弟子、阿難弟子二人共談：「我等二人同聲經唄，誰者為勝？」是時，眾多比丘聞此二人各各共論，聞已，便往至尊所，頭面禮足，在一面坐。爾時，眾多比丘白世尊言：「今有二人共論：『我等二人共誦經唄，何者為妙？』」爾時，世尊告一比丘：「汝往呼此二比丘使來。」……

世尊告二人曰：…「汝等頗聞我說此法共競諍乎？如此之法，何異梵志？」諸比丘對曰：「不聞如來而說此法。」

---

---

---

---

---

---

---

---

• 世尊告曰：「我由來不與諸比丘而說此法，當諍勝負耶？然我今日所說法，欲有降伏，有所教化。若有比丘受法之時，當念思惟四緣之法，意與契經、阿毘曇、律共相應不？設共相應者，當念奉行。」

爾時，世尊便說此偈：

「多誦無益事，此法非為妙，猶算牛頭數，此非沙門要。  
若少多誦習，於法而行法，此法極為上，可謂沙門法。」

• 「雖誦千章，不義何益？不如一句，聞可得道。  
雖誦千言，不義何益？不如一義，聞可得道。  
千千為敵，一夫勝之，未若自勝，已忍其上。」  
(增31-11)

---

---

---

---

---

---

---

---

### 三、精進

#### (一) 精進的發起—真實教法顯現

- 如是我聞：一時，佛住王舍城迦蘭陀竹園。爾時，世尊告諸比丘：「如來成就十種力，得四無畏，知先佛住處，能轉梵輪，於大眾中震師子吼，言：『此有故，彼有；此起故，彼起，謂：緣無明，行；……廣說乃至純大苦聚，……純大苦聚滅。』諸比丘！此是真實教法顯現，斷生死流，……。如是，真實教法顯現，斷生死流，足令善男子正信出家，方便修習，不放逸住，於正法律精勤苦行，皮筋骨立，血肉枯竭，若其未得所當得者，不捨慙懃精進方便，堅固堪能。」(雜348)

---

---

---

---

---

---

---

---

---

---

#### (二) 中道的精進

- 如是我聞：一時，佛住王舍城迦蘭陀竹園。爾時，尊者二十億耳住耆闍崛山，常精勤修習菩提分法。時，尊者二十億耳獨靜禪思，而作是念：「於世尊弟子精勤聲聞中，我在其數，然我今日未盡諸漏。我是名族姓子，多饒財寶，我今寧可還受五欲，廣行施作福。」爾時，世尊知二十億耳心之所念，告一比丘，汝等今往二十億耳所，告言：「世尊呼汝。」是一比丘受佛教已，往詣二十億耳所，語言：「世尊呼汝！」二十億耳聞彼比丘稱大師命，即詣世尊所，稽首禮足，退住一面。

---

---

---

---

---

---

---

---

---

---

爾時，世尊告二十億耳，汝實獨靜禪思作是念：「世尊精勤修學聲聞中，我在其數，而今未得漏盡解脫。我是名族姓子，又多錢財，我寧可還俗，受五欲樂，廣施作福耶？」時，二十億耳作是念：「世尊已知我心。」驚怖毛豎，白佛言：「實爾。世尊！」佛告二十億耳：「我今問汝，隨意答我。二十億耳，汝在俗時，善彈琴不？」答言：「如是，世尊！」復問：「於意云何？汝彈琴時，若急其絃，得作微妙和雅音不？」答言：「不也，世尊！」復問：「云何？若緩其絃，寧發微妙和雅音不？」答言：「不也，世尊！」復問：「云何善調琴絃，不緩不急，然後發妙和雅音不？」答言：「如是，世尊！」

---

---

---

---

---

---

---

---

---

---

佛告二十億耳：「精進太急，增其掉悔，精進太緩，令人懈怠，是故汝當平等修習攝受，莫著、莫放逸、莫取相。」時，尊者二十億耳聞佛所說，歡喜隨喜，作禮而去。時，尊者二十億耳常念世尊說彈琴譬，獨靜禪思。如上所說，乃至漏盡心得解脫，成阿羅漢。... (雜254)

❖族姓子，巴利Kulaputra，kula指印度高等種姓或大族姓，Kulaputra指名門望族的子弟。在佛教中即是善男子的意思。

### (三) 八精進

• 云何**八精進**？比丘入村乞食，不得食還，即作是念：『我身體輕便，少於睡眠，宜可精進坐禪、經行。』未得者得，未獲者獲，未證者證，於是，比丘即便精進，是為初精進比丘。

乞食得足，便作是念：『我今入村，乞食飽滿，氣力充足，宜勤精進坐禪、經行。』未得者得，未獲者獲，未證者證，於是，比丘即尋精進。

精進比丘設有執事，便作是念：『我向執事，廢我行道，今宜精進坐禪、經行。』未得者得，未獲者獲，未證者證，於是，比丘即尋精進。

精進比丘設欲執事，便作是念：『明當執事，廢我行道，今宜精進坐禪、經行。』未得者得，未獲者獲，未證者證，於是，比丘即便精進。(續)

精進比丘設有行來，便作是念：『我朝行來，廢我行道，今宜精進坐禪、經行。』未得者得，未獲者獲，未證者證，於是，比丘即尋精進。

精進比丘設欲行來，便作是念：『我明當行，廢我行道，今宜精進坐禪、經行。』未得者得，未獲者獲，未證者證，於是，比丘即便精進。

精進比丘設遇患時，便作是念：『我得重病或能命終，今宜精進。』未得者得，未獲者獲，未證者證，於是，比丘即便精進。

精進比丘患得小差，復作是念：『我病初差，或更增動，廢我行道，今宜精進坐禪、經行。』未得者得，未獲者獲，未證者證，於是，比丘即便精進坐禪、經行，是為八。(長10)

#### (四)精進的程度-1

- 爾時，世尊告諸比丘：「諸離車子(Licchavi)常枕木，手足龜坼，疑畏莫令摩竭陀王阿闍世毘提希子得其間便。是故，常自儻策，不放逸住；以彼不放逸住故，摩竭陀王阿闍世毘提希子不能伺求得其間便。於未來世，不久，諸離車子恣樂無事，手足柔軟，繒繖為枕，四體安臥，日出不起，放逸而住；以放逸住故，摩竭陀王阿闍世毘提希子得其間便。」
- 「如是，比丘精勤方便，堅固堪能，不捨善法，肌膚損瘦，筋連骨立。精勤方便，不捨善法，乃至未得所應得者，不捨精進，常攝其心，不放逸住，以不放逸住故；魔王波旬不得其便。(雜1252)

---

---

---

---

---

---

---

---

---

---

#### 精進的程度-2

- 尊者目捷連語尊者舍利弗：「我不以神通力詣世尊所，世尊不以神通力來至我所，然我於舍衛國王舍城中聞，世尊及我俱得天眼、天耳故，我能問世尊：『所謂慇懃精進，云何名為慇懃精進？』世尊答我言：『目捷連！若此比丘晝則經行、若坐，以不障礙法自淨其心；初夜若坐、經行，以不障礙法自淨其心；於中夜時，出房外洗足，還入房右脅而臥，足足相累，係念明相，正念、正知，作起思惟，於後夜時，徐覺、徐起，若坐亦經行，以不障礙法自淨其心，目捷連！是名比丘慇懃精進。』」(雜503)

---

---

---

---

---

---

---

---

---

---

#### (五)世尊過去的精進

- 如是我聞：一時，佛住舍衛國祇樹給孤獨園。爾時，世尊告諸比丘：「我於二法依止多住，云何為二？於諸善法未曾知足，於斷未曾遠離。於善法不知足故，於諸斷法未曾遠離故，乃至肌消肉盡，筋連骨立，終不捨離精勤方便，不捨善法，不得未得終不休息，未曾於劣心生歡喜，常樂增進，昇上上道。如是精進住故，疾得阿耨多羅三藐三菩提等。比丘！當於二法依止多住：於諸善法不生足想；依於諸斷未曾捨離，乃至肌消肉盡，筋連骨立，精勤方便堪能，修習善法不息。是故，比丘！於諸下劣[勿]生歡喜想，當修上上昇進，多住如是修習，不久當得速盡諸漏，無漏心解脫、慧解脫，現法自知作證：『我生已盡，梵行已立，所作已作，自知不受後有。』」佛說此經已，諸比丘聞佛所說，歡喜奉行。(雜987)

---

---

---

---

---

---

---

---

---

---

(六)世尊過去世的精進

• 聞如是：一時，佛在舍衛國祇樹給孤獨園。爾時，世尊告諸比丘：「若有人懈惰，種不善行，於事有損。若能不懈惰[而]精進者，此者最妙，於諸善法便有增益，所以然者，彌勒菩薩經三十劫應當作佛、至真、等正覺，我以精進力、勇猛之心使彌勒在後。過去恒沙多薩阿竭、阿羅訶、三耶三佛皆由勇猛而得成佛。以此方便，當知懈惰為苦，作諸惡行，於事有損。若能精進勇猛心強，諸善功德便有增益。是故，諸比丘！當念精進，勿有懈怠。如是，諸比丘！當作是學。」爾時，諸比丘聞佛所說，歡喜奉行。(增20-6)

---

---

---

---

---

---

---

---

四、增上信

(一)、深忍樂欲

• 世尊告曰：阿難！多聞聖弟子真實因心思念稱量，善觀分別無常、苦、空、非我。彼如是思念，如是稱量，如是善觀分別，便生忍，生樂，生欲；欲聞，欲念，欲觀，阿難！是謂：頂法。阿難！若得此頂法復失衰退，不修守護，不習精勤，阿難！是謂：頂法退。(續)

---

---

---

---

---

---

---

---

• 如是，內、外識、更樂(觸)、覺(受)、想、思、愛、界、因緣起，阿難！多聞聖弟子此因緣起及因緣起法思念稱量，善觀分別無常、苦、空、非我，彼如是思念，如是稱量，如是善觀分別，便生忍，生樂，生欲；欲聞，欲念，欲觀，阿難！是謂：頂法。阿難！若得此頂法復失衰退，不修守護，不習精勤，阿難！是謂：頂法退。阿難！此頂法及頂法退，汝當為諸年少比丘說以教彼，若為諸年少比丘說教此頂法及頂法退者，彼便得安隱，得力得樂，身心不煩熱，終身行梵行。(中86)

---

---

---

---


---

---

---

---





(二) 信喻

- 如是我聞，一時佛在王舍城迦蘭陀竹林。爾時王舍城北有耕作婆羅門名豆羅闍。爾時世尊於其晨朝著衣持鉢往至彼所，時婆羅門遙見佛來。即至佛所自言：「世尊！我種作人耕種而食不從人乞。瞿曇！汝今亦可耕種而食。」佛言：「我亦耕種而食。」時豆羅闍婆羅門即說偈言：
 

汝自說知耕	未見汝耕時
汝若知耕者	為我說耕法

爾時世尊說偈答言：

<b>吾以信為種</b>	諸善為良田
精進為調牛	智慧為轆輻
慚愧為犁具	念為御耕者
身口意調順	持戒為鞅子
耕去煩惱穢	甘雨隨時降
芸耨為善心	大獲善苗稼
趣向安隱處	可以剋永安
吾所耕如是	故得甘露果
超昇離三界	不來入諸有

婆羅門言。汝耕實是耕無上之勝耕。婆羅門聞是偈心生信解。盛滿鉢飲食來用奉佛。佛不受。餘如上豆羅闍婆羅門所說。乃至不受後有。(雜264)

### (三) 信根成就

- 如是我聞：一時，佛住舍衛國祇樹給孤獨園。爾時，世尊告諸比丘：「有五根。何等為五？謂信根、精進根、念根、定根、慧根。信根者，當知是四不壞淨，精進根者，當知是四正斷，念根者，當知是四念處，定根者，當知是四禪，慧根者，當知是四聖諦。」佛說此經已，諸比丘聞佛所說，歡喜奉行。(雜646)

### (四) 以淨信安住於世

- 如是我聞：一時，佛住舍衛國祇樹給孤獨園。時，有天子容色絕妙，於後夜時來詣佛所，稽首佛足，身諸光明遍照祇樹給孤獨園。時，彼天子說偈問佛：  
「云何善至老？ 云何善建立？  
云何為人寶？ 云何賊不奪？」  
爾時，世尊說偈答言：  
「正戒善至老， **淨信善建立**，  
智慧為人寶， 功德賊不奪。」  
時，彼天子復說偈言：  
「久見婆羅門， 逮得般涅槃，  
一切怖已過， 永超世恩愛。」  
時，彼天子聞佛所說，歡喜隨喜，稽首佛足，即沒不現。  
❖ saddhā sādhu patitthitā 信善為安住

### (四) 究竟信—四不壞信(淨)

- 原文：「令心澄淨，於諦實業果中現前忍許」(俱舍論)
- **Śraddha**: having faith , believing in , trusting , faithful , having confidence
- 對事物深刻了解(認許)後，由無疑惑(心淨)所生起的信念。特別指對三寶、四諦、業果等的信念。

## 1、入流

- 如是我聞：一時，佛住舍衛國祇樹給孤獨園。爾時，世尊告尊者舍利弗：「所謂流者，何等為流？」舍利弗白佛言：「世尊所說流者，謂：八聖道。」復問舍利弗：「謂入流分，何等為入流分？」舍利弗白佛言：「世尊！有四種入流分，何等為四？謂：親近善男子，聽正法，內正思惟，法、次法向。」復問舍利弗：「入流者，成就幾法？」舍利弗白佛言：「有四分成就入流者，何等為四？謂：於佛不壞淨，於法不壞淨，於僧不壞淨，聖戒成就。」佛告舍利弗：「如汝所說，流者謂八聖道；入流分者有四種，謂：親近善男子，聽正法，內正思惟，法、次法向；入流者，**成就四法**，謂：於佛不壞淨，於法不壞淨，於僧不壞淨，聖戒成就。」佛說此經已，尊者舍利弗聞佛所說，歡喜奉行。(雜843)

## 2、以法浴身

- 如是我聞：一時，佛住毘舍離國彌猴池側重閣講堂。時，有善調象師離車，名曰難陀，來詣佛所，稽首佛足，退坐一面。爾時，世尊告離車難陀言：「若聖弟子成就四不壞淨者，欲求壽命，即得壽命，求好色、力、樂、辯、自在即得。何等為四？謂佛不壞淨成就，法、僧不壞淨，聖戒成就。我見是聖弟子於此命終，生於天上，於天上得十種法。何等為十？得天壽、天色、天名稱、天樂、天自在，天色、聲、香、味、觸。

- 若聖弟子於天上命終，來生人中者，我見彼十事具足。何等為十？人間壽命、人好色、名稱、樂、自在、色、聲、香、味、觸。我說彼多聞聖弟子不由他信、不由他欲、不從他聞、不取他意、不因他思，我說彼有如實正慧知見。」爾時，難陀有從者，白難陀言：「浴時已到，今可去矣！」難陀答言：「我今不須人間洗浴，我今於此勝妙法以自沐浴，所謂於世尊所得清淨信樂。」(雜833)

### 3、大福德聚

- 一時，佛住舍衛國祇樹給孤獨園。爾時，世尊告諸比丘：「如是聖弟子四種福德潤澤，善法潤澤，攝受稱量功德，不可稱量爾所果福、爾所果、爾所福果集，然彼得眾多福利，是大功德聚數。譬如五河合流，謂恒河(Gaṅgā)、耶菩那(Yamunā)、薩羅由(Sarabhū)、伊羅跋提(Aciravatī)、摩醯(Mahī)，於彼諸水無能度量百瓶、千瓶、百千萬瓶者，然彼水多，是大水聚數。如是聖弟子成就四功德潤澤者，無能度量其福多少，然彼多福，是大功德聚數。是故，諸比丘！當作是學：『我當成就於佛不壞淨，於法、僧不壞淨，聖戒成就。』」... (雜841)

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---